

Inatsisissatut siunnersuummut nassuiaatit

### **Oqaaseqaatit nalinginnaasut**

#### **1. Aallaqqaasiut**

Sumiiffinni nunami aalajangersimasuni takornariartitsinermit akuersissuteqartarnissaq pillugu Inatsisartut inatsisaat nr. 19, 3. december 2012-imeersoq 1. januar 2013-imi atuutilerpoq. Inatsisip siunertaa tassaavoq Kalaallit Nunaanni takornariartitsinermit inuussutissarsiorfiup ineriartortinnissaanik ilapittuinissaq, aammalu nunatsinnit takornarianut tunisassiat tunineqarnerisa siuarsarnerisigut inuiaqatigiinni siuariarnermik pilersitsinissaq.

Inatsisartut inatsisaat sukisaarsaatigalugu aalisartunik aalisartitsinermit akuersissutinik nalunaaruteqartarnermit atuutinnigilaq, Inatsisartut inatsisaannit Sukisaarsaatigalugu aalisartunik aalisartitsinermit akuersissuteqartarneq pillugu Inatsisartut inatsisaat nr. 20, 22. november 2011-meersoq immikkut piummat.

Takornariartitsinermit inuussutissarsiorfimmu akuersissutinik inatsisilersuisunik marlunnik inatsiseqarnissaq tulluartuunngilaq. Tamanna immikkut allaffissornermik pilersitsivoq, sulianik isumaginnittarnerit naalakkersuisoqarfinni assigiinngitsuni marlunni suliarineqartarmata.

Malittarisassiat ilassutaasut qinnuteqartut paasiniagassaannik atortussanik annertunernik nasataqartitsillutillu qinnuteqarnermi ingerlassat assigiinngitsut malittarisassiorpaat. Tamakku saniatigut sukisaarsaatigalugu aalisartunik aalisartitsinermit akuersissummik, aammalu takornariartitsinermit tunisassiamut allamut akuersissummik piginnittoq oqartussaasunut assigiinngitsunut marlunni attaveqarnissaa aamma tulluartuunngilaq. Aqqummik ataatsimik tunngaveqarnissaq akuersissummik piginnittumut tulluartuuvoq, taamaalilluni takornariartitsinermit inuussutissarsiorfimmu akuersissuteqartarnerit iluini sulianik isumaginnittuusutut Namminersorlutik Oqartussani taamaallaat naalakkersuisoqarfik ataaseq akisussaaffeqassalluni.

Inuussutissarsiutip sinaakutissatut atugassarisaanut aamma ineriartortitsinissamut periarfisaanut ajoqutaassaaq takornariartitsinermit najoqqutarisaaq sukisaarsaatigalugu aalisartunik aalisartitsinerup allamillu takornariartitsinermit tunisassiamut ataqatigiissinnerinik tunngaveqartinnerini akuersissutini nalunaarutigisani taakkunani marlunni akuersissuteqarfiup si-visussusia ataqatigiissaarneqarsimangippat.

Sukisaarsaatigalugu aalisartunik aalisartitsinermut akuersissuteqartarneq pillugu Inatsisartut inatsisaata atuukkunnaarsinnera, taamaalillunilu inatsisunik katiterisoqarnera neqeroortitsinermut atortussiornermut, qinnuteqarnermik ingerlattakkamut, qinnuteqaatit nalilersornerinut, aammalu akuersissummik piginnittup toqqartorneranut assigiiaartumik ingerlassamik pilersitsissaaq, kiisalu suliassaqarfimmi sulianik isumaginninnermik aqutsinermillu nalinginnaasumik pitsanngorsaassalluni. Tamanna kommuninut aamma takornariartitsinermik inuussutissarsiorfimmumut iluaqutaassaaq.

Neqeroortitsinermut atortussiornermut aamma akuersissummik piginnittumik toqqaanermut atatillugu naalakkersuisoqarfiit pingaarutilit tusarniaavigineqarlutillu ilanngunneqassapput, ingammik sukisaarsaatigalugu aalisartunik aalisartitsinermut akuersissuteqartitsinermut atatilugu Aalisarnermut, Piniarnermut Nunalerinermullu Naalakkersuisoqarfik.

Takornariartitsinermut akuersissuteqarnermut sumiiffinnik toqqartukkanik Naalakkersuisut takornariartitsinermut immikkoortoqarfimmi pilersaarut aqqutigalugu atugassiinnaanerannut inatsisaasuni pisinnaatitsissummik ilanngussisoqassasoq siunnersuutigineqarpoq.

Nunami namminermi takornariartitsinermik periusissiap atuutsilernissaa qulakkeerniarlugu takornariartitsinermut akuersissuteqarnermut sumiiffinnik pingaarutilinnik atugassiinissaa pisariaqarpoq. Ingerlassaaq tamanna najugaqarfimmi pilersaarusiormik oqartussaasut aamma Visit Greenland qanimut suleqatigalugit pissaaq.

Sumiiffimmumut kisermaassisinnaaneq inuussutissarsiorfiup iluani namminersuutigalugu aningaasaleerusussutsip pisariaqartup siuarsaavigeqatigissavaa, Kalaallit Nunaanni aningaasaqarnikkut ineriartornermut sinaakkutissatut atugassatsialannik pilersitsilluni takornariartitsinermik inuussutissarsiorfik suliffiit aamma malitsigisatut inuussutissarsiorfiit aqqutigalugit siunissami atatitsisutut inuussutissarsiutinngornissaa tamatuma isumannaassammagu.

## **2. Siunnersuutip immikkoortui pingaarnerit**

Takornariartitsinermik suliaqarfimmut akuersissuteqarnermut qinnuteqarnermik ingerlassap assigiissaarlugulu pisariillisarnissaanik kissaatigisamik siunnersuut aallaaveqarpoq.

Siunnersuutip matuma Sukisaarsaatigalugu aalisartunik aalisartitsinermut akuersissuteqartarneq pillugu Inatsisartut inatsisaat nr. 20, 22. november 2011-meersoq atorunnaarsippaa, taamaalilluni takornariartitsinermik suliaqarfimmi taamaallaat akuersissuteqartarnermut ataa-siinnarmik inatsiseqalissalluni. Taamaattumik Sumiiffinni nunami aalajangersimasuni takornariartitsinermut akuersissuteqartarnissaaq pillugu Inatsisartut inatsisaat nr. 19, 3. december 2012-meersumi ingerlassaaq malillugu Kalaallit Nunaanni takornariartitsinermi sulianut qinnuteqaatit allat assigalugit eqalunniarluni (*Salvelinus alpinus*) sukisaarsaatigalugu aalisartunik aalisartitsinermut akuersissuteqarnermissaaq pillugu qinnuteqaatit suliarineqartassapput.

Tamatuma malittarisassiat pisariillisassavai, aammalu namminersuutigalugu takornariartitsinermik suliaqartunut annertunerusumik paasinarsaassalluni. Aammattaaq eqalunniarluni (Salvelinus alpinus) sukisaarsaatigalugu aalisartunik aalisartitsinermut, kiisalu takornariartitsinermik tunisassianut allanut akuersissuteqarnernik tunngaveqartumik najoqqutassiamik ataqatigiissumik pilersitsiniarnermut periarfissiissalluni.

Siunnersuummi Sukisaarsaatigalugu aalisartunik aalisartitsinermut akuersissuteqartarneq pil-lugu Inatsisartut inatsisaat nr. 20, 22. november 2011-meersumit § 1, imm. 1 ilanngunneqas-saaq. Taamaallaat eqalunniarluni (Salvelinus alpinus) sukisaarsaatigalugu aalisartunik aalisar-titsinermut akuersissummik tunniussisoqarsinnaaneraniq paragraffi inatsisilersuivoq.

Kuummik akuersissuteqartitsinerup iluaqutaa tassaavoq sukisaarsaatigalugu aalisartunik aali-sartitsinermik angalatitsinermik aqqissuussaqaarlunilu neqerooruteqartoq sumiiffimmik akilii-sitsilluni allat neqerooruteqassaneriniq aarleqquteqassannginnera. Taamaalilluni su-kisaarsaatigalugu aalisartunik aalisartitsineq ikittuinnarnut tunnganerulissaaq, tamakkiisumil-lu pitsaanerusumik misigisitsissalluni. Inuit akuersissuteqarfiusumik suliaqarnermi peqataasut suliap i-ngerlanneranut malittarisassiat atuuttut najoqqutariuassavaat, ilanngullugu aalisar-nermut allagartamik atuuttumik il.il. peqarnissaaq.

Aaqqiisutaasup angunigaraa inuiaqatigiit aammalu akuersissummik piginnittut ataasiakkaat aningaasaqarnikkut iluanaaruteqarnissaat. Akuersissummik piginnittoq, akuersissummik pis-sarsiaqareermermi kingorna kuummi aalisarnissamut pisinnaatitaaffiit tuniniarnissaannut aki-gititassaminik aalajangiisinnaassaaq, tassangaanniillu iluanaarutigisat, akitsuutit akileraaru-tillu ilanngaatilugit tassunga tussapput.

Eqaluk (Salvelinus alpinus) tassaanngilaq aalisagaq iluanaarniutaasoq, tamakkuninngalu aali-sarsinnaatitaaneq inunnut Kalaallit Nunaanni najugaqavissunut killeqanngilaq, naak kuuk akuersissuteqarfugaluartoq. Tamatumani taamaallaat inatsisaareersut malitsigisaannik kil-lilersuutit atuupput, eqqissimatitsivinnut, aalisariutit atornerinut il.il. tunngasut.

Siunnersuutip malittarisassiat pisariillisinneri aammalu kommuninut takornariartitsinermillu suliaqartunut annertunerusumik paasinarsaaneq qularnaarpai. Taamatuttaarlu eqalunniarner-mik sukisaarsaatigalugu aalisartunik aalisartitsinermut akuersissuteqarnermik, kiisalu takorna-riar-titsinermi tunisassianut allanut akuersissuteqarnermik tunngaveqartumik ataqatigiissumik najoqqutassamik pilersitsinissamut periarfissiivoq.

<b>Siunnersuut Inatsisartut inatsisaannut atuuttumut naleqqiullugu</b>	
<b>Sumiiffinni nunami aalajangersimasuni takornariartitsinermit akuersissuteqartarnissaq pillugu Inatsisartut inatsisaat nr. 19, 3. december 2012-imeersoq</b>	<b>§ 1</b> <b>1. Qulequtaa imatut allanneqassaaq: ” Sumiiffinni nunami aalajangersimasuni takornariartitsinermit akuersissuteqartarnissaq pillugu Inatsisartut inatsisaat nr. 19, 3. december 2012-imeersoq”.</b>
<i>Imm. 2.</i> Inatsisartut inatsisaat sukisaarsaatigalugu aalisarnissamut akuersissutini ilaasut inatsisartut inatsisaanni ingerlatanut ilaasunut atorneqassanngilaq.	<b>2. § 1, imm. 2</b> imatut allanneqassaaq: ” <i>Imm. 2.</i> Eقالunnik (Salvelinus alpinus) qissattaammik sukisaarsaatigalugu aalisarnissaq siunertaralugu Kalaallit Nunaanni kuummut aalajangersimasumut imaluunniit imartalittut sumiiffimmut erseqqinnerusumik killilersukkamut akuersissutini tunniussisarnermik Inatsisartut inatsisaat inatsisilersuivoq.”.
<b>§ 8.</b> §7 malillugu takornariartitsinermit ingerlatassamut akuersissut periutsit imm. 2-3-mi taaneqartut arlaannut tunniunneqarsinnaavoq. <i>Imm. 2.</i> Akuersissummik tunineqarnissaq pillugu tamanut nalinginnaasumik qinnuteqartoqartitsineqareerpat akuersissut tunniunneqarsinnaavoq (neqerooruteqartitsineq). Qinuteqartoqaqqusilluni nalunaaruteqarneq, qinnuteqarnissamut piffissaliussaq ikinnerpaamik ullunik 45-inik sioqqutsisumik Naalackersuisut nittartagaatigut allatulluunniit Naalackersuisut tamanut saqqummiutissavaat. Neqeroorummi tunngaviussaaq, pilersaarusiormi oqartussaasup susasaqartup, sumiiffik pineqartoq takornariartitsinermit ingerlataqarnissamut pilersaarusiormi ingerlatat suut akuersissummut ilaatinneqassanersut aalajangersarsimassallugit. <i>Imm. 3.</i> Sumiiffimmut akuersissuteqarnissamik nalunaaruteqarneq imm. 2 malillugu siumut qinnuteqaaqqusisoqarsimatinnagu tunniunneqarsimassappat, sumiiffillu pineqartoq	<b>3. § 8</b> imatut allanneqassaaq: ” <b>§ 8.</b> §7 malillugu takornariartitsinermit ingerlatassamut akuersissut periutsit imm. 2-4-mi taaneqartut arlaannut tunniunneqarsinnaavoq. <i>Imm. 2.</i> Akuersissummik tunineqarnissaq pillugu tamanut nalinginnaasumik qinnuteqartoqartitsineqareerpat akuersissut tunniunneqarsinnaavoq (neqerooruteqartitsineq). Qinuteqartoqaqqusilluni nalunaaruteqarneq, qinnuteqarnissamut piffissaliussaq ikinnerpaamik ullunik 45-inik sioqqutsisumik Naalackersuisut nittartagaatigut, kiisalu tusa-gassiorfitsigut Naalackersuisut tamanut saqqummiutissavaat. Neqeroorummi tunngaviussaaq, pilersaarusiormi oqartussaasup susasaqartup, sumiiffik pineqartoq takornariartitsinermit ingerlataqarnissamut atorneqarnissaa pilersaarusiormi ingerlatat suut akuersissummut ilaatinneqassanersut aalajangersarsimassallugit. <i>Imm. 3.</i> Naalackersuisut immikkoortotamut pilersaarutikkut sumiiffiit takornariar-

<p>pilersaarusiormermit oqartussaasoq susasaqartoq sumiiffik pineqartoq takornariartitsinermit ingerlaturanut pilersaarusiorsimanageru, Naalakkersuisullu isumaqarpata qinnuteqaat suliarineqartariaqartoq, qinnuteqaat pilersaarusiormermit oqartussamut Naalakkersuisut ingerlateqqissavaat, apeqquteqaatigissallugulu pilersaarusiormermit oqartussaasup sumiiffik qinnuteqarfigneqartoq takornariartitsinermit ingerlaturanut ilanngunneqassanersoq kissaatigeneraa. Pilersaarusiormermit oqartussap sumiiffik qinnuteqarfigneqartoq tamakkiisumik ilaannakortumilluunniit takornariartitsinermit ingerlataqarnermut pilersaarutiginiarlugu ilanngunniarlugulu kissaatigisimappagu, akuersissummik tunniussinissaq siunertarlugu Naalakkersuisut immikkut ittumik innuttaasunut ammasumik qinnuteqaqqusisinnaapput.</p> <p><i>Imm. 4.</i> Imm. 3 malillugu qinnuteqarnermit, pilersaarusiormermit oqartussaasup apeqquteqaatip tigreernerani ullut 90-it qaangiutsinnagit Naalakkersuisut apeqquteqaataat akissuteqarfignissavaa.</p> <p><i>Imm.5.</i> Qinnuteqaatit periutsit imm. 2-3-mi taaneqarsimasut malillugit qinnuteqaatit tunniunneqarsimasut tunngavigalugit Naalakkersuisut akuersissummik tunniussinngitsoorsinnaapput.</p>	<p>titsinermit suliaqarfinnut aalajangersaavigisinnaavaat, kiisalu akuersissutit suliaqarfignisanik sorlernerit imaqarnissaa aalajangersaavigisinnaallugu.</p> <p><i>Imm. 4.</i> Sumiiffimmut akuersissuteqarnissamik nalunaaruteqarneq siumut qinnuteqaqqusisoqarsimatinnagu tunniunneqarsimassappat, sumiiffillu pineqartoq pilersaarusiormermit oqartussaasoq susasaqartoq imaluunniit Naalakkersuisut takornariartitsinermit immikkoortortamut pilersaarummi sumiiffik pineqartoq takornariartitsinermit ingerlaturanut pilersaarusiorsimanageru, Naalakkersuisullu isumaqarpata qinnuteqaat suliarineqartariaqartoq, qinnuteqaat pilersaarusiormermit oqartussamut Naalakkersuisut ingerlateqqissavaat, apeqquteqaatigissallugulu pilersaarusiormermit oqartussaasup sumiiffik qinnuteqarfigneqartoq takornariartitsinermit ingerlaturanut ilanngunneqassanersoq kissaatigeneraa. Pilersaarusiormermit oqartussap sumiiffik qinnuteqarfigneqartoq tamakkiisumik ilaannakortumilluunniit takornariartitsinermit ingerlataqarnermut pilersaarutiginiarlugu ilanngunniarlugulu kissaatigisimappagu, akuersissummik tunniussinissaq siunertarlugu Naalakkersuisut immikkut ittumik innuttaasunut ammasumik qinnuteqaqqusisinnaapput.</p> <p><i>Imm. 5.</i> Qinnuteqaatit periutsit imm. 2-3-mi taaneqarsimasut malillugit qinnuteqaatit tunniunneqarsimasut tunngavigalugit Naalakkersuisut akuersissummik tunniussinngitsoorsinnaapput.</p>
	<p style="text-align: center;"><b>§ 2</b></p> <p>Inatsisartut inatsisaat atuutsinneqalissaaq ulloq 1. juli 2015.</p> <p><i>Imm. 2.</i> Tamanna ilutigalugu Sukisaarsaaitigalugu aalisartunik aalisartitsinermit akuers-</p>

	sissuteqartarneq pillugu Inatsisartut inatsisaat nr. 20, 22. november 2011-meersoq atorunaassaaq.
--	---

### **3. Pisortanut aningaasaqarnikkut allaffissornikkullu kingunerisinnaasai**

Siunnersuut aallaaviatigut pisortanut aningaasaqarnikkut allaffissornikkullu kinguneqassanngitsutut nalilerneqarpoq, takornariartitsinermilli inuussutissarsiorfimmi akuersissuteqartarnernut oqinnerisumik allaffissornermik nassataqassaaq.

### **4. Inuussutissarsiorfimmut aningaasaqarnikktu allaffissornikkullu kingunerisinnaasai**

Allanngutissatut siunnersuut inuussutissarsiorfimmut pitsaanerusunik sinaakkutissatut atugasaqarnermik isumannaarissaaq, malittarisassiat ikinnerulissammata, sulianik isumaginnitarneq assigiiaarnerusoq qulakkeerneqassammat, kiisalu takornariartitsinermik suliffeqarfinnut takornariartitsinermillu suliaqartartunut annertunerusumik paasinarnerulersitsineq pilersinneqarluni.

Taamaalilluni inuussutissarsiorfiusumut allannguutip ilorraap tungaanut aningaasaqarnikkut allaffissornikkullu sunniuteqassasoq naliliiffigineqarpoq.

### **5. Avatangiisinut, pinngortitamut innuttaasullu peqqissusaannut kingunerisinnaasai**

Siunnersuut avatangiisinut, pinngortitamut innuttaasullu peqqissusaannut kinguneqartussatut naatsorsuutigineqanngilaq.

Sumiiffinni nunami aalajangersimasuni takornariartitsinermut akuersissuteqartarnissaaq pillugu Inatsisartut inatsisaat nr. 19, 3. december 2012-imeersumi § 24-mi allassimavoq takornariartitsinermut tunisassiat isumannaallisaaneq, peqqissuseq avatangiisillu eqqarsaatigalugit neqeroorutigineqarlutillu, tunineqarlutillu pilersuutigineqassasut.

### **6. Innuttaasunut kingunerisinnaasai**

Siunnersuut innuttaasunut kinguneqartussatut naatsorsuutigineqanngilaq. Innuttaasut pinianissamat, aalisarnissamat, qimussernissamat, kiisalu pinngortitamiinnissamat il.il. pisinnaati-taaffeqartuassapput, tamatumunnga malittarisassiat nalinginnaasut naapertorlugit, naak sumiiffik pineqartoq aammalu ingerlataq pineqartoq akuersissuteqarfiugaluartoq.

### **7. Kingunissat pingaarutilit allat**

Siunnersuut allanik pingaarutilinnik kinguneqartussatut naatsorsuutigineqanngilaq.

### **8. Oqartussaasunik kattuffinnillu il.il. tusarniaaneq**

Siunnersuut piffissami 2015-imi xx-imit yy-mut tusarniaanermut nittartakkamiippoq, kiisalu oqartussaasuni, kattuffinni suliffeqarfinnilu makkunani tusarniaassutaasimalluni:

Aningaasaqarnermut Aatsitassanullu Naalakkersuisoqarfik, Naalakkersuisut Siulittaasuata Naalakkersuisoqarfia, Ineqarnermut, Sanaartornermut Attaveqarnermullu Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik, Avatangiisinut, Pinngortitamut Inatsisinillu Atuutsitsinermut Naalakkersuisoqarfik, Ilaqutariinnermut, Naligiissitaanermut, Isumaginninnermullu Naalakkersuisoqarfik, Peqqissutsimut Nunanillu Avannarlernik Suleqateqarnermut Naalakkersuisoqarfik, Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik, Visit Greenland, Greenland Venture, Greenland Business, Sermersooq Erhvervsråd, Qeqqata Erhvervsråd, Kalaallit Nunaanni Sulisitsisut Peqatigiiffiat (GA), NUSUKA, S.I.K., KANUKOKA, KANUNUPE, Kommune Kujalleq, Kommuneqarfik Sermersooq, Qeqqata Kommunia, Qaasuitsup Kommunia, KNAPK, Nunaoil A/S, NunaMinerals A/S, Greenland Mining Services A/S, Grønlandsbanken, Transparency Greenland, Nunatsinni Advokatit, AvataQ – Pinngortitaq Avatangiisillu pillugit Peqatigiiffik, ICC Kalaallit Nunaat, Inatsisartut Ombudsmandiat aamma Naalagaaffiup Sinnisuutitaa.

Oqartussaasunit, kattuffinnit suliffeqarfinnillu makkunanga tusarniaanermut akissutinik tigusaqartoqarpoq:

Tullinguuttumi tusarniaanermut akissutit aamma avataani tusarniaanerup nalaani allannguutissatut siunnersuutit takkussimasut suliaqarfiupput. Tusarniaanermut akissutit, uingasunik allassimasut taamaallaat pingaaruteqassutsimik naliliisoqarnera tunngavigalugu pingaarner-siorlugit ilanngunneqarnerat oqaatigineqassaaq.

## **Siunnersuummi aalajangersakkanut ataasiakkaanut oqaaseqaatit**

### *§ 1-imut*

#### **Nr. 1-imut**

Aalajangersagaq inatsisip qulequtaata allanngortinneranut tunngavoq. ”Sumiiffinni nunami aalajangersimasuni” ipput nunami sumiiffiit, soorlulusooq kuuit imartaqarfittullu sumiiffiit killilersorsimasat.

#### **Nr. 2-mut**

Siunnersuummi § 1, nr. 1-ip inatsisip atugaqarfigisaata killilersorneqarfia atorunnaarsippaa, taamaalilluni inatsimmit sukisaarsaatigalugu aalisartunik aalisarnermut akuersissuteqartarneq pillugu Inatsisartut inatsisaat ilaatinneqannginnera atorunnaarluni. Siunertaq tassaavoq takornariartitsinermi akuersissuteqartarnermik suliassaqarfiup tamarmiusup inatsisip ataatsip ataaniilersinnissaa.

Tamatuma kingorna Inatsisartut inatsisaanni atugaqarfiusussami killeqartitsisoqarunnaassaaq, sukisaarsaatigalugu aalisartunik aalisartitsinermit akuersissuteqartarneq pillugu Inatsisartut inatsisaat atorunnaarsinneqarmat.

Sukisaarsaatigalugu aalisartunik aalisartitsinermit akuersissuteqarneq pillugu Inatsisartut inatsisaannit § 1, imm. 1 ilanngunneqarpoq. Aalajangersakkap taassuma ilaatigut aalisakkamik eqalummiq (*Salvelinus alpinus*) aalisarnerinnarmut akuersissutip tunngasuunera erseqqis-sarpaa.

Sukisaarsaatigalugu aalisartunik aalisartitsinermit akuersissuteqarnerup takornarianut neqerootigineqartussatut sukisaarsaatigalugu aalisartunik aalisartitsinermit tunngasuunera tunngavigineqarpoq. Taamaalilluni sukisaarsaatigalugu aalisartunik aalisartitsinermit akuersissuteqarnikkut akuersissummik piginnittuusup pisanik nioqquteqarfinnut tunisinissamut pisinnaatitsinngilaq.

Aamma aaqqiissutip siunertaa tassaannngilaq akuersissummik piginnittup akuersissummik tunineqartup nammineq sukisaarsaatigalugu aalisarnerminut, imaluunniit namminersuutigisatut sukisaarsaatigalugu aalisarnermik suliffeqarfissuarmut pisinnaatitaaffimmik atugaqarnissaa.

Siunertaq tassaavoq sumiiffimmu, nunamit aalisartoqarfiusussamut akuersissummik tunniusaqartarnissaaq, tamannalu amerlanerpaartaani kuup eqqaani pisassaaq. Taamaattorli oqaaseqatigiit ”imartalittut sumiiffimmu erseqqinnerusumik killilersukkamut” oqaaseqatigii-liat ilanngunneqarput akuersissut, assersuutigalugu kangerluup ilorpiaanik taaneqartartumut tunniunneqarnissaanik periarfissiiniarluni. Akuersissut aamma kuup ilaanut, imaluunniit



kuummut attaveqartumut tatsimut, imaluunniit kuummut tatsimullu ataqatigiissitamut tunni-unneqarsinnaavoq.

Akuersissut kuummut tunngasuuppat taanna sukut anillaffeqarnera aallaavigalugu nas-suarneqarpoq. Isumaqlarluni kuup ulinnerpaaffiani immamik naapitsiffiani.

### **Nr. 3-mut**

Takornariartitsinermik suliaqarnermut akuersissummik nalunaaruteqartarnermut tunngatillugu malittarisassiat pioreersut ingerlateqqinneranik aalajangersagaq tunngaveqartinneqassaaq. Naalakkersuisut najugaqarfinni pilersarusiornermik oqartussaasunik tusarniagaaqareerneramik kingorna immikkoortoqarfimmut pilersaarut aqutigalugu sumiiffinnik akuersissuteqarfiusus-sanik atugassiinnaanerannut inatsilersuut ilanngunneqassaaq.

Sumiiffiit taamaallaat immikkut ittumik takornariartitsinermik neriunartoqarfiusutut naliler-neqartut immikkoortoqarfimmut pilersaarut aqutigalugu akuersissuteqarfiusussatut atugassi-arineqarsinnaapput. Naliliineq tamanna Visit Greenland najugaqarfimmilu oqartussaasoqarfik suleqatigalugit pisassaaq, taamaalilluni soqutisarisat tamarmik isumaliutigineqarnissaat qulakkeerniarlugu suliaqarfiusassasoq naatsorsuutigineqarluni.

### *§ 2-mut*

Aalajangersakkap siunnersuutip atuutsinneqalerfianut tunngasuvoq, aammalu sukisaarsaati-galugu aalisartunik aalisartitsinermut akuersissuteqarneq pillugu Inatsisartut inatsisaata atorunnaarsinneqarfianut tunngalluni.

Siunnersuutigineqarpoq inatsit 1. juli 2015-imi atuutilissasoq, tamannalu ilutigalugu su-kisaarsaatigalugu aalisartunik aalisartitsinermut akuersissuteqarneq pillugu Inatsisartut inatsisaat atorunnaarsinneqarluni.